

Bengkel

PEMURNIAN DOKUMEN IQA01 KALI KEDUA

IJAZAH SARJANA MUDA SAINS MAKLUMAT (KEPUJIAN) PENGURUSAN REKOD (CDIM261)

Penulis: Sharin Sulaiman



Pensyarah Pusat Pengajian Sains Maklumat, Kolej Pengajian Pengkomputeran, Informatik dan Matematik bersama Dr Nurussobah Binti Hussin, Koordinator Program Pengurusan Rekod, UiTM Selangor, Kampus Puncak Perdana dan barisan panel penilai UiTM Cawangan Sarawak.

Pusat Pengajian Sains Maklumat (PPSM), Kolej Pengajian Pengkomputeran, Informatik dan Matematik, UiTM Cawangan Sarawak, Kampus Samarahan 1 telah mengadakan satu bengkel pemurnian kali kedua untuk mengemaskini maklumat bagi dokumen IQA01 untuk program Ijazah Sarjana Muda Sains Maklumat (Kepujian) Pengurusan Rekod (CDIM261) yang akan ditawarkan di UiTM Cawangan Sarawak. Bengkel ini melibatkan 13 orang pensyarah yang diketuai oleh Ts Dr Mohd Rafiz Bin Salji. Bengkel kali ini turut menjemput Koordinator Program CDIM261, UiTM Selangor, Kampus Puncak Perdana, Dr Nurussobah binti Hussin dan disertai oleh empat (4) orang panel penilai yang diketuai oleh Ts Dr Siti Nor Ain binti Seri Masran. Objektif bengkel ini adalah memastikan dokumen IQA01 mencapai kualiti yang diperlukan, mendapatkan nasihat dan maklumbalas secara bersemuka dari pihak auditor dalaman untuk memperbaiki kualiti dokumen IQA01, serta mendapatkan pencerahan maklumat terkini daripada Koordinator Program CDIM261, UiTM Selangor, Kampus Puncak Perdana.

Bengkel ini diadakan pada 31 Julai 2023 (Isnin) bermula pada pukul 8.30 pagi hingga 5.00 petang bertempat di Bilik Sarjana, UiTM Cawangan Sarawak Kampus Samarahan 1. Sesi pagi bermula dengan ucapan aluan oleh wakil Ketua Pusat Pengajian Perakaunan dan Pengurusan Maklumat iaitu Puan Norlida Binti Ismailly. Antara ucapan yang diberikan adalah harapan beliau agar proses penyediaan dokumen dapat

dijalankan dan diselesaikan dalam tempoh masa yang ditetapkan. Selepas itu, bengkel diteruskan dengan taklimat dari Dr Nurussobah binti Hussin dan diikuti oleh ucapan daripada Ketua Panel Penilai, Ts Dr Siti Nor Ain binti Seri Masran. Setelah itu, bengkel diteruskan dengan setiap pensyarah melihat dan menyemak bukti dan maklumat mengikut area masing - masing, memastikan setiap bukti rekod yang ada adalah terkini dan relevan dengan keperluan audit.

Sesi petang yang bermula pukul 2.00 petang bersambung dengan para pensyarah meneruskan kerja dengan mengemaskini area masing-masing terutama area 1, 2, dan 3 dalam dokumen IQA01 tersebut. Bengkel berakhir dengan pemberian cenderahati daripada PPSM, UiTM Cawangan Sarawak Kampus Samarahan kepada Dr Nurussobah Binti Hussin. Diharapkan bengkel ini dapat melancarkan proses penyediaan dokumen diperlukan oleh MQA selain memastikan setiap tugas dan tanggungjawab yang diamanahkan dapat disempurnakan mengikut kepada tempoh masa yang ditetapkan.



Koordinator Program Pengurusan Rekod sedang menerangkan maklumat terkini tentang semakan kurikulum bagi IM246